

memohon doa. Kenapa Dia yang harus kita tujuhan segala doa? Jawabnya ialah Kerana Dialah yang kita ta'ati, kita sembah dan kita puja. Dialah yang kita percaya sebagai Pencipta Yang Maha Berkuasa. Kita pula adalah hamba-hambaNya. Maka tidak ada sesuatu yang lain yang layak disembah dan ditujukan doa selain Dia, Tuhan yang mencipta kita, Tuhan yang dita'ati dan disembah oleh kita. Itulah ertinya **إِيَّاكَ نَعْبُدُ وَإِيَّاكَ نَسْتَعِينَ**. Kerana beribadat kepadaNya jualah manusia hanya layak berdoa kepadaNya. Tidak ada orang lain atau sesuatu yang lain yang layak diminta pertolongan oleh manusia, sebagaimana tidak ada orang lain atau sesuatu yang lain yang layak disembah olehnya.

(3) Ayat 6 adalah paragraf ke-tiga. Di Dalamnya terkandung doa yang sebenarnya hendak diminta, iaitu **اهدنا الصراط المستقيم** (tunjukilah kami jalan yang lurus).

Ini sebenarnya adalah doa yang paling lengkap dan ideal. adalah jalan tauhid yang merupakan seruan utama al-Qur'an dan as-Sunnah. Dengan melalui jalan itu manusia akan mendapat keredhaan Allah dan akan dapat memasuki syurga yang abadi.

(4) Ayat ke-7 merupakan paragraf ke-empat dan terakhir di Dalam Surah al-Fatihah. Di Dalamnya terdapat keterangan dan perincian tentang doa yang dipinta, baik yang bersifat positif atau negatif.

(a) **الصراط المستقيم** adalah jalan orang-orang yang telah mendapat ni'mat daripada Allah. Mereka terdiri daripada para nabi, shiddiqin, syuhada' dan shalihin. (Lihat an-Nisaa':69).


(b) **الصراط المستقيم** bukan jalan orang-orang yang dimurkai Allah, seperti golongan Yahudi. (Lihat al-Baqarah:90, al-Maa'idah:60).

(c) **الصراط المستقيم** bukan juga jalan orang-orang yang sesat, seperti golongan Nashara atau Kristian. (Lihat an-Nisaa':44).

Mesej Utama Surah

اهدنا الصراط المستقيم (tunjukilah kami jalan yang lurus). Doa inilah sebenarnya merupakan mesej utama Surah al-Fatihah. Ia adalah permintaan hamba kepada TuhanYa, agar ditunjukiNya jalan yang lurus di sepanjang perjalanan hidup si hamba. Hamba memohon kepada Tuhan supaya memberi hidayah dan taufiq kepadanya untuk melakukan amal saleh dengan ikhlas di sepanjang hayatnya, sehingga apabila ia mati, ia berhak dan layak memasuki syurga.

Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
2	Al-Baqarah	286	40	Madaniyyah	87	4



daripada ayat 275-281 mungkin sekali baru diturunkan pada tahun ke-10 Hijrah. Tiga ayat di penghujung Surah sememangnya telah diturunkan sebelum Hijrah lagi.

Selepas Surah al-Baqarah diturunkan Surah at-Thalaq. Sebelum perang Badar pula telah turun Surah Muhammad. Dan selepas perang Badar diturunkan Surah al-Anfaal.

Kelebihan Dan Fadhilat Surah Al-Baqarah

Beberapa hadits telah dinukilkan daripada Rasulullah s.a.w. berhubung dengan kelebihan dan fadhilat Surah al-Baqarah. Antaranya:

(1)

أَنَّ رَسُولَ اللَّهِ -صَلَّى اللَّهُ عَلَيْهِ وَسَلَّمَ- قَالَ « لَا تَجْعَلُوا بَيْوَنَكُمْ مَقَابِرَ إِنَّ الشَّيْطَانَ يَنْفُرُ مِنَ الْبَيْتِ الَّذِي تُقْرَأُ فِيهِ سُورَةُ الْبَقَرَةِ »

Bermaksud: Sesungguhnya Rasulullah s.a.w. bersabda: "Janganlah kamu jadikan rumah-rumahmu kubur. Sesungguhnya syaitan lari dari rumah yang dibaca di dalamnya Surah al-Baqarah. (Hadits riwayat Muslim, an-Nasaa'i dan lain-lain).

(2)

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ اقْرَءُوا سُورَةَ الْبَقَرَةِ فَإِنَّ أَخْذَهَا بَرَكَةٌ وَتَرْكَهَا حَسْرَةٌ وَلَا تَسْتَطِيعُهَا الْبَطْلَةُ

Bermaksud: Rasulullah s.a.w. bersabda: "Kamu bacalah surah al-Baqarah. Kerana membacanya membawa keberkatan, meninggalkannya (tidak membacanya) menyebabkan penyesalan dan pembacanya tidak dapat dikuasai (dikalahkan) oleh tukang-tukang sihir. (Hadits riwayat Muslim, at-Thabarani, Abu 'Awaanah, Ibnu Hibbaan dan lain-lain).

(3)

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ اقْرَءُوا الْقُرْآنَ فَإِنَّهُ يَأْتِي يَوْمَ الْقِيَامَةِ شَفِيعًا لِأَصْحَابِهِ اقْرَءُوا الزَّهْرَاوَيْنِ الْبَقَرَةَ وَسُورَةَ الْأَلْعَمَانَ فَإِنَّهُمَا غَمَّاتَانِ أَوْ كَانُوكُمَا غَيَّابَاتَانِ أَوْ كَانُوكُمَا فِرْقَانَ مِنْ طَيْرِ صَوَافِ ثُحَاجَانِ عَنْ أَصْحَابِهِمَا اقْرَءُوا سُورَةَ الْبَقَرَةِ فَإِنَّ أَخْذَهَا بَرَكَةٌ وَتَرْكَهَا حَسْرَةٌ وَلَا تَسْتَطِيعُهَا الْبَطْلَةُ

Bermaksud: Rasulullah s.a.w. bersabda: "Bacalah kamu al-Qur'an, kerana ia akan datang pada hari kiamat nanti sebagai pemberi syafa'at kepada orang-orang yang membacanya. Bacalah dua surah yang gilang-gemilang, (Surah) al-Baqarah dan Surah Aali 'Imraan, kerana kedua-duanya akan datang pada hari kiamat nanti sebagai dua kumpulan awan atau sebagai dua payung besar atau sebagai dua kumpulan burung yang terbang berbaris-baris dengan tujuan membela pembaca-pembacanya. Bacalah surah al-Baqarah. Kerana membacanya membawa keberkatan, meninggalkannya

(tidak membacanya) menyebabkan penyesalan dan pembacanya tidak dapat dikuasai (dikalahkan) oleh tukang-tukang sihir. (Hadits riwayat Muslim, at-Thabarani, Abu 'Awaanah, Ibnu Hibbaan dan lain-lain).

(4)

فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «إِنَّ لِكُلِّ شَيْءٍ سَنَامًا، وَإِنَّ سَنَامَ الْقُرْآنِ سُورَةُ الْبَقَرَةِ»

Maksudnya: Rasulullah s.a.w. bersabda: "Sesungguhnya setiap sesuatu ada puncaknya. Dan sesungguhnya puncak al-Qur'an itu adalah Surah al-Baqarah. (Hadits riwayat al-Haakim. Beliau mengatakan ia sahih. Dan Az-Zahabi memperakui kesahihannya).

Kelebihan Dan Fadhilat Ayat Al-Kursi Secara Khusus

Ayat ke-255 di dalam Surah al-Baqarah dipanggil Ayat al-Kursi. Beberapa hadits Rasulullah dinukilkan berkenaan dengan kelebihannya. Antaranya ialah hadits-hadits di bawah ini:

(1)

عَنْ أَبِي بْنِ كَعْبٍ قَالَ قَالَ رَسُولُ اللَّهِ -صَلَّى اللَّهُ عَلَيْهِ وَسَلَّمَ- «يَا أَبَا الْمُنْذِرِ أَتَدْرِي أُولَئِي آيَةٍ مِّنْ كِتَابِ اللَّهِ مَعَكَ أَعْظَمُ». قَالَ فَلَمْ يَفْلُجْ أَعْلَمُ. قَالَ «يَا أَبَا الْمُنْذِرِ أَتَدْرِي أُولَئِي آيَةٍ مِّنْ كِتَابِ اللَّهِ مَعَكَ أَعْظَمُ». قَالَ فَلَمْ يَفْلُجْ أَعْلَمُ إِلَّا هُوَ الْحَقُّ الْقَيُومُ. قَالَ فَضَرَبَ فِي صَدْرِي وَقَالَ وَاللَّهِ لِيَهُنَّكَ الْعِلْمُ أَبَا الْمُنْذِرِ

Bermaksud: Ubaiy bin Ka'ab meriwayatkan, katanya: Rasulullah s.a.w. bersabda (kepadanya): "Wahai Aba al-Munzir, tahukah kamu mana satu ayat al-Qur'an yang ada padamu yang paling agung?" Aku manjawab: "Allah dan RasulNya lebih tahu." Kata Baginda: "Wahai Aba al-Munzir, tahukah kamu mana satu ayat al-Qur'an yang ada padamu yang paling agung?" Kata Ubaiy, Aku manjawab: "الله لا إله إلا هُوَ الْحَقُّ الْقَيُومُ" (ayat al-Kursi)." Kata Ubaiy: "Terus beliau s.a.w. menepuk dadaku seraya bersabda: "Tahniahlah atas ilmumu wahai Aba al-Munzir! (Hadits riwayat Muslim, Ahmad, Abu Daud, an-Nasaa'i dan lain-lain).

(2)

عَنْ أَبِي أَمَامَةَ - رضي الله عنه - قَالَ: قَالَ رَسُولُ اللَّهِ -صَلَّى اللَّهُ عَلَيْهِ وَسَلَّمَ- مِنْ قَرَأَ آيَةَ الْكُرْسِيِّ دُبُرَ كُلِّ صَلَاةٍ مُكْثُوْبَةٍ لَمْ يَمْنَعْهُ مِنْ دُخُولِ الْجَنَّةِ إِلَّا أَنْ يَمُوتَ

Bermaksud: Rasulullah s.a.w. bersabda: Sesiapa membaca ayat al-Kursi selepas setiap sembahyang fardhu, niscaya tidak ada apa-apa lagi yang menghalangnya daripada

masuk syurga selain mati. (Hadits riwayat at-Thabaraani, an-Nasaa'i, Ibnu as-Sunni dan lain-lain).

(3)

Syaitan berupa manusia yang pernah hendak mencuri makanan, tiba-tiba ditangkap oleh Abu Hurairah yang berkawal menceritakan tentang kelebihan ayat al-Kursi. Ceritanya itu kemudiannya disahkan oleh Rasulullah s.a.w. Kata syaitan itu:

إِذَا أَوْيَتَ إِلَى فِرَاشِكَ فَاقْرُأْ آيَةَ الْكُرْسِيِّ [اللَّهُ لَا إِلَهَ إِلَّا هُوَ الْحَيُّ الْقَيُّومُ] حَتَّى تَخْتَمِ الْآيَةُ فَإِنَّكَ لَنْ يَرَأَ عَلَيْكَ مِنَ اللَّهِ حَافِظٌ وَلَا يَقْرَبُنَّكَ شَيْطَانٌ حَتَّى تُصْبِحَ

Bermaksud: Apabila engkau telah ke tempat tidurmu, bacalah ayat al-Kursi [اللَّهُ لَا إِلَهَ إِلَّا هُوَ الْحَيُّ الْقَيُّومُ] hingga ke akhir ayat. Dengan membacanya akan terus ada pengawal daripada Allah yang mengawalmu dan syaitan sama sekali tidak akan dapat menghampirimu hingga ke pagi. (Hadits riwayat al-Bukhari).

Kelebihan Dan Fadhilat Dua Ayat Terakhir Surah Al-Baqarah Secara Khusus

Rasulullah s.a.w. telah bersabda:

الْآيَاتَانِ مِنْ أَخِيرِ سُورَةِ الْبَقَرَةِ مِنْ قَرَاهُمَا فِي لَيْلَةِ كَفَّةٍ

Maksudnya: Dua ayat di akhir surah al-Baqarah, sesiapa membacanya pada sesuatu malam, ia akan cukup untuknya (pada malam itu).” (Hadits riwayat Bukhari dan Muslim).

Perkaitan Surah Al-Baqarah Dengan Surah Sebelum Dan Selepasnya

Di dalam Surah al-Fatihah telah tersebut golongan yang dimurkaai Allah (المغضوب عليهم). Mereka adalah orang-orang Yahudi. Di dalam Surah al-Baqarah disebutkan kesalahan dan jenayah yang dilakukan oleh mereka di sepanjang sejarah. Di dalam Surah al-Fatihah juga telah tersebut golongan yang sesat (الضالين). Mereka adalah orang-orang Kristian. Di dalam Surah Aali 'Imraan yang akan menyusul selepas Surah al-Baqarah ini pula disebutkan kesalahan dan jenayah yang dilakukan oleh mereka di sepanjang sejarah. Akibatnya mereka hilang kelayakan untuk menjadi pemimpin manusia. Hamba-hamba Allah yang sebenar dan mu'min sejati tidak akan mahu memilih jalan yang dilalui kedua-dua golongan itu.

Di dalam Surah al-Fatihah tersebut doa orang mu'min (اهدنا الصراط المستقيم). Ia diterima Allah, lalu sebagai respons terhadapnya Allah mengurniakan sebuah buku panduan

hidup. Itulah dia al-Qur'an. Ia dimulai dengan Surah al-Baqarah. Di permulaan Surah al-Baqarah, tersebut jaminan Allah berhubung dengan buku panduan hidup itu.

ذَلِكَ الْكِتَبُ لَا رَيْبٌ فِيهِ هُدًى لِّلْمُتَّقِينَ ①

Maksudnya: Kitab Al-Quran ini, tidak ada sebarang keraguan padanya (tentang datangnya dari Allah dan tentang sempurnanya); ia merupakan petunjuk bagi orang-orang yang bertakwa. (al-Baqarah:2).

Beberapa Kata Kunci Terpenting Di Dalam Surah Al-Baqarah

(1) Di dalam Surah al-Baqarah perkataan بلى tersebut dua kali. Dinyatakan di dalamnya bahawa orang-orang Yahudi pernah ditegur dengan bermacam-macam cara kerana fahaman mereka yang salah. Mereka diperingatkan bahawa yang menentukan seseorang masuk syurga atau neraka ialah keimanan dan kekufurannya, demikian juga amal baik dan amal jahatnya.

Ayat ke-81 yang dimulai dengan perkataan بلى dijawab dengan ayat ke-112 yang juga dimulai dengan perkataan yang sama.

(a)

بَلَىٰ مَنْ كَسَبَ سَيِّئَةً وَأَحَاطَتْ بِهِ حَطِيقَةٌ فَوَلَّتِكَ أَصْحَابُ النَّارِ هُمْ فِيهَا خَلِيلُونَ ⑩

81. (Apa yang kamu katakan itu tidaklah benar) bahkan sesiapa yang berbuat kejahatan dan ia diliputi (ditenggelamkan) oleh kesalahannya itu, maka mereka lah ahli neraka, mereka kekal di dalamnya.

(b)

بَلَىٰ مَنْ أَسْلَمَ وَجْهَهُ لِلَّهِ وَهُوَ مُحْسِنٌ فَلَهُ أَجْرٌ وَعِنْدَ رَبِّهِ وَلَا خَوْفٌ عَلَيْهِمْ وَلَا هُمْ يَخْزُنُونَ ⑪

112. (Apa yang kamu katakan itu tidaklah benar) bahkan sesiapa yang menyerahkan dirinya kepada Allah (mematuhi perintahNya) sedang ia pula berusaha supaya baik amalannya, maka ia akan beroleh pahalanya di siisi TuhanYa, dan tidaklah ada kebimbangan (dari berlakunya kejadian yang tidak baik) terhadap mereka, dan

mereka pula tidak akan berduakacita.

Ayat-ayat ini sebenarnya merupakan perincian dan penjelasan bagi dua ayat di akhir bahagian pendahuluan struktur makro Surah al-Baqarah, iaitu ayat ke-38 dan juga ke-39.

(2) Melalui ayat ke-40: **وَأَوْفُوا بِعَهْدِكُمْ** (dan penuhilah janjimu kepadaKu, niscaya Aku penuhi janjiKu kepadamu), dinyatakan janji bersyarat oleh Allah kepada Bani Israil.

Tetapi mereka telah memungkiri janji. Maka dilucutkanlah jawatan kepimpinan daripada mereka.

Ayat ke-152 juga merupakan janji bersyarat daripada Allah kepada umat Islam: **فَاذْكُرُونِي أَذْكُرْكُمْ** (Oleh itu, ingatlah kamu kepadaKu (dengan mematuhi hukum dan undang-undangKu), niscaya Aku ingat (pula) kepadamu).

(3) Ayat ke-47 dan ke-122 sebenarnya sama. Ini bererti ia diulangi dua kali di dalam Surah ini. Pada kedua-dua tempat itu Allah menyatakan kesalahan-kesalahan dan jenayah-jenayah yang dilakukan oleh Bani Israil setelah mereka dikurniakan begitu banyak ni'mat dan mereka dilebihkan daripada orang-orang lain di seluruh dunia.

يَبْنِي إِسْرَائِيلَ أَذْكُرُوا يَعْمَقِي الَّتِي أَنْعَمْتُ عَلَيْكُمْ وَأَنِّي فَضَّلْتُكُمْ عَلَى الْعَالَمِينَ (١٦)

Maksudnya: Hai Bani Israel, ingatlah akan ni'matKu yang telah Ku anugerahkan kepadamu, dan Aku telah melebihkan kamu atas segala umat.

Lalu setelah Bani Israil menderhakai Allah, tersingkirlah mereka daripada jawatan kepimpinan yang merupakan sebahagian daripada anugerah Allah kepada bangsa mereka. Mahkota kepimpinan yang dipakaikan Allah di kepala mereka **وَأَنِّي فَضَّلْتُكُمْ عَلَى الْعَالَمِينَ** (العالمين), kemudiannya ditanggalkan.

Struktur Makro Surah Al-Baqarah

Surah al-Baqarah dapat dibahagikan kepada empat bahagian besar. Setiap bahagian yang besar ini mempunyai bahagian kecil pula di bawahnya. Masing-masing daripadanya mempuanya struktur makronya yang tersendiri. Terlebih dahulu dikemukakan di sini perincian tentang empat bahagian besarnya itu:

(1) 39 ayat di permulaan Surah ini merupakan muqaddimahnya.

(2) Bahagian kedua Surah bermula dari ayat ke-40 hingga ayat ke-142. Di dalamnya diisebutkan kesalahan-kesalahan dan jenayah-jenayah kaum Bani Israil. Ia dikemukakan satu per satu. Itulah sebabnya kenapa mereka disingkirkan daripada jawatan kepimpinan.

(3) Bahagian ketiga bermula dari ayat ke-143 hingga ayat ke-283. Di dalamnya disebutkan tentang peralihan kuasa daripada Bani Israil kepada Bani Ismail. Umat Islam di zaman awal disebut sebagai imam dan “ummatan wasatha” (umat terpilih). Mereka diberikan hukum dan syari`at terakhir melalui Nabi terakhir, Muhammad s.a.w.

(4) Bahagian terakhir Surah yang terdiri daripada tiga ayat merupakan penutup Surah. Di dalamnya disebutkan beberapa prinsip yang perlu dipegang oleh umat Islam untuk mereka berjaya mengatasi orang-orang kafir.

Di bawah ini dikemukakan empat bahagian besar yang terdapat di dalam Surah al-Baqarah:

Bahagian pertama	Bahagian kedua	Bagahian ketiga	Bahagian keempat
Bermula dari ayat 1 hingga ayat 39	Bermula dari ayat 40 hingga ayat 142	Bermula dari ayat 143 hingga ayat 283	Bermula dari ayat 284 hingga ayat 286
Pendahuluan	Perincian kesalahan dan jenayah yang dilakukan oleh Bani Israil serta keterangan tentang perlucutan jawatan kepimpinan daripada mereka.	Perlantikan umat Islam ke jawatan kepimpinan umat manusia	Penutup


Mesej Utama Surah

Mesej utama Surah al-Baqarah ialah mengisyiharkan penukaran kepimpinan. Kepimpinan Bani Israil bermula dari zaman Nabi Ya`qub dan Nabi Yusuf a.s., kira-kira pada tahun 1,900 sebelum Masehi, dan ia berterusan hingga ke zaman 610 Hijrah, iaitu apabila Muhammad s.a.w. dilantik menjadi nabi. Zaman kepimpinan dan kekuasaan mereka meliputi kira-kira 2,500 tahun. Kerana sikap Bani Israil yang melampaui batas dan tindak-tanduk mereka yang sentiasa melanggar hukum-hukum

ketentuan Allah, akhirnya setelah Nabi s.a.w. dilantik menjadi rasul, pangkat mereka ditarik dan jawatan kepimpinan yang ada pada mereka dilucutkan. Kemudian pangkat شهادة على الناس (menjadi saksi atas perbuatan manusia) diberikan kepada umat Islam dan gelaran umat yang adil dan terpilih (أمة وسطى) juga dikurniakan kepada mereka. Pangkat dan gelaran itu bahkan diberikan kepada umat Islam buat selama-lamanya hingga ke hari kiamat.

Bahagian Pertama Yang Merupakan Pendahuluan Bagi Surah Al-Baqarah

Ia bermula dari ayat 1 hingga ayat 39. Dan ia mempunyai 3 paragraf. Lihatlah gambar rajahnya di bawah ini:



Antara Isi Kandungan Terpenting Bahagian Ini

- (1) Kelayakan Yang Mesti Ada Pada Manusia Untuk Dicalonkan Ke Jawatan Khalifah Allah Di Bumi, Setelah Ia Mempunyai Hak Memilih Antara Baik Dan

Buruk Ialah Ia Akan Memilih Kebaikan.

- (2) Kufur Dan Nifaq Mestilah Dijauhi.
- (3) Seseorang Muslim Hendaklah Berusaha Menjadi Mu'min Yang Saleh Dan Benar.
- (4) Sebagai Khalifah Allah Di Bumi, Hukum-Hakamnya Hendaklah Dilaksanakan Dengan Penuh Keikhlasan.


16/05/2018

Ratu

Bahagian Kedua Surah Al-Baqarah

Sebab-Sebab Bani Israil Tersingkir Dari Kepimpinan

Bahagian ini bermula dari ayat ke-40 hingga ayat ke-141. Dan ia dibahagikan kepada enam paragraf.



- Doa N.Ibrahim dalam al-Baqarah : 127 (ketanggungan Nabi Muhammad)
- Bayangan berdoa supaya diketahui oleh Nabi 14 adlh hasil doa yang dimantulkan
- ayat 138: Ahli kubah diseru supaya meninggalkan agama Yahudi dan Kristen tetapi memilih agama yang baru (Islam).

Struktur Makro Bahagian Kedua Surah Al-Baqarah

Bahagian keduanya bermula dari ayat ke-40 hingga ayat ke-141. Dan ia dibahagikan kepada enam paragraf.

(1) Paragraf pertama (bermula dari ayat 40 hingga ayat 46). Di dalamnya Bani Israil, khususnya dari kalangan Yahudi diseru supaya memeluk agama Islam.

وَعَمِّلُوا بِمَا أَنْزَلْتُ مُصَدِّقًا لِمَا مَعَكُمْ وَلَا تَكُونُوا أَوَّلَ كَافِرٍ يَهُودٌ وَلَا تَشْرُوْا بِغَایبٍ قَلِيلًا وَإِنَّی فَاتَّقُونَ ﴿٤٦﴾

41. Dan berimanlah kamu kepada apa yang telah Aku turunkan (al-Qur'an) yang membenarkan apa yang ada padamu (Taurat), dan janganlah kamu menjadi orang yang pertama kafir kepadanya, dan janganlah kamu menukarkan ayat-ayat-Ku dengan harga yang rendah, dan hanya kepada Akulah kamu harus bertaqwa

Di dalamnya juga Allah menggesa orang-orang yang hendak berda'wah agar memeriksa diri sendiri terlebih dahulu dan mengamalkan juga apa yang hendak disampaikan kepada orang lain. (Lihat ayat ke-44).

Allah juga memerintahkan agar orang-orang mu'min yang yakin akan bertemu Tuhan mendapatkan kekuatan untuk menghadapi segala cabaran hidup dengan besabar dan bershalat. (Lihat ayat ke-45).

(2) Paragraf kedua (bermula dari ayat 47 hingga ayat 48). Di dalamnya Allah mengancam Bani Israil dengan azab pada hari kiamat. Tiada siapa pun dapat membela dan menolong orang lain melepaskan diri daripada azab Allah pada hari itu.

(3) Paragraf ketiga (bermula dari ayat 49 hingga ayat 79). Di dalamnya disebutkan bagaimana Bani Israil telah dikurniakan dengan bermacam-macam ni'mat. Kemudian mereka diperingatkan kepada kederhakaan-kederhakaan dan jenayah-jenayah yang pernah dilakukan oleh mereka selama ini. Allah mengingatkan Bani Israil satu per satu ni'mat yang pernah diberiNya kepada mereka. Dia telah menyelamatkan mereka daripada kezaliman Firaun. Mereka diberikan Taurat, diturunkan Manna dan Salwa, dinaungi awan, dipancarkan dua belas mata air dan lain-lain untuk mereka. Walaupun telah mendapat begitu banyak ni'mat, kebanyakan puak Bani Israil tidak bersyukur.

Malah sebaliknya mereka telah menyembah anak lembu, meminta supaya Allah dapat dilihat oleh mereka dengan mata kepala, mengingkari ayat-ayat Allah, membunuh nabi-nabi, melanggar larangan menangkap ikan pada hari Sabtu, berdolak-dalik apabila diperintah supaya menyembelih lembu, memesong dan menyelewengkan ma`na ayat-ayat Allah, mereka cipta ayat-ayat dan mengatakan ia dari Allah untuk mendapat kepentingan dunia yang sementara dan banyak lagi kederhakaan-kederhakaan dan jenayah-jenayah yang lain.

(4) Paragraf keempat (bermula dari ayat 80 hingga ayat 89). Di dalamnya Bani Israil dicela kerana terlalu fanatik dan berbangga-bangga dengan keturunan. Mereka percaya kalaupun mereka masuk neraka, maka masuknya hanya untuk beberapa hari sahaja. Itu tidak kerana lain, semata-mata kerana mereka daripada bangsa Bani Israil.

وَقَالُواْنَ تَمَسَّنَا الْكَارِبٌ لَاَ أَيَّامًا مَعْدُودَةٌ

80. Dan mereka berkata: "Kami sekali-kali tidak akan disentuh oleh api neraka, kecuali selama beberapa hari saja."

Di dalam ayat ke-83 dan 84 Allah menyatakan butir-butir perjanjianNya dengan Bani Israil. Ia meliputi beberapa perkara berikut:

Memeliha tauhid (tidak menyembah selain Allah), berbuat baik kepada kedua ibu bapa, kaum kerabat, anak-anak yatim dan orang-orang miskin, mengucapkan kata-kata yang baik, mendirikan shalat, mengeluarkan zakat, tidak membunuh diri dan tidak membunuh orang, tidak mengusir seseorang dari kampung halamannya dan tidak percaya kepada sebahagian kitab dan tidak percaya kepada sebahagian yang lain.

Kepada orang-orang yang melanggar perjanjian itu diberikan ancaman akan mendapat kehinaan di dunia dan api neraka di akhirat nanti.

(5) Paragraf kelima (bermula dari ayat 90 hingga ayat 123). Di dalamnya juga disebutkan sifat terlalu fanatik dan berbangga-bangga dengan keturunan yang ada pada Bani Israil. Disebut juga di dalamnya sifat dengki luar biasa yang ada pada mereka. Kerana sifat dengki yang pelik itulah mereka hanya dapat mempercayai kitab-kitab yang diturunkan kepada para nabi dari kalangan keluarga dan bangsa

mereka sahaja. Mereka langsung tidak dapat menerima kitab yang diturunkan kepada Nabi Muhammad semata-mata kerana dia dari keluarga Bani Ismail, bukan dari keluarga Bani Israil. (Lihat ayat 90 dan 91).

Di dalam ayat-ayat daripada 92 hingga 105 disebut pula kesalahan dan jenayah mereka yang lain-lain lagi. Antaranya, mereka pernah menyembah anak lembu, selepas berjanji dan memberi taat setia, berkata **سَمِعْنَا وَعَصَيْنَا** (Kami mendengar tetapi tidak mahu menurutinya), terlalu mementingkan kehidupan dunia **(أَحْرَصَ النَّاسُ عَلَى حَيَاةٍ)**, memusuhi Jibril, melempar ke belakang segala janji dan sumpah yang dibuat, mempelajari ilmu sihir daripada Harut dan Marut lalu memusnahkan rumah tangga orang ramai dengannya, dan banyak lagi yang lain.

Di dalam ayat-ayat 106 hingga 109 disebut betapa Bani Israil itu kuat berdengki, kerana dengkilah mereka gembira sekali kalau orang-orang yang telah memeluk Islam kembali menjadi kafir.

Melalui ayat 110 hingga 115 Allah menyebutkan betapa rasisnya puak Bani Israil itu. Mereka berasa amat selesa, bangga dan yakin dengan semangat nasionalisma mereka yang begitu tebal itu, sehingga mereka berkata:

وَقَالُوا لَنْ يَدْخُلَ الْجَنَّةَ إِلَّا مَنْ كَانَ هُودًا أَوْ نَصَارَى

111. Dan mereka (Yahudi dan Nasrani) berkata: “Sekali-kali tidak akan masuk syurga kecuali orang-orang (yang beragama) Yahudi atau Nasrani”.

Di dalam ayat-ayat 116 hingga 123 disebutkan dengan terang bahawa Allah tidak mempunyai anak. Dia mempunyai kuasa “kun fa yakun”. Umat Islam diingatkan bahawa orang-orang Yahudi dan Kristian tidak akan redha dengan kamu selagi kamu tidak mengikuti agama dan cara hidup mereka. Dan di akhir sekali Allah mengancam orang-orang Yahudi dan Kristian terhadap azab yang akan menimpa mereka pada hari kiamat nanti.

Ayat 122 merupakan pengulangan ayat 47 sebelumnya juga. Setelah mengemukakannya Bani Israil diancam pula dengan azab di hari kiamat nanti.

(6) Paragraf keenam dan terakhir. Ia bermula dari ayat 124 hingga ayat 141. Di

dalamnya tersebut seruan kepada Bani Israil supaya kembali kepada ajaran nenek moyang mereka dahulu, khususnya Nabi Ibrahim a.s.

Mereka diberi tahu bahawa Allah telah melantik Nabi Ibrahim menjadi imam (pemimpin) kepada semua manusia. اَنْتَ جَاعِلُكُمْ إِمَامًا. Tetapi Allah juga telah menyebut kepada Nabi Ibrahim dengan terang لا يَنْلَا عَهْدَ الظَّالِمِينَ bahwa jawatan itu tidak layak diperolehi anak cucunya yang zalim. Ia hanya layak disandang oleh orang yang beriman dan beramal saleh. (Lihat ayat 124).

Nabi Ya`qub berjanji dengan semua anak-anaknya dan berpesan kepada mereka ketika hampir meninggal dunia agar mereka menyembah hanya Tuhan yang Maha Esa. (lihat ayat 133).

Di dalamnya juga dinyatakan bahawa kebangkitan Nabi Muhammad adalah hasil doa Nabi Ibrahim yang dimaqbulkan oleh Allah. (Lihat ayat 129).

Ahli Kitab diperintahkan supaya mengikuti agama Nabi Ibrahim a.s. (Lihat ayat 135). Mereka juga diseru supaya tidak membeza-bezakan antara rasul-rasul. Kerana itu mereka hendaklah beriman kepada ajaran Nabi Muhammad yang merupakan rasul terakhir yang dilantik dari kalangan Bani Ismail. (Lihat ayat 136).

Ahli Kitab diseru supaya meninggalkan agama Yahudi dan Kristian lalu memilih celupan (agama) Allah. (Lihat ayat 138).

Mesej Utama Bahagian Kedua Surah Al-Baqarah

Bani Israil diseru agar beriman kepada syari`at Muhammad, rasul terakhir daripada Allah. Mereka juga diberitahu kenapa mereka disingkirkan daripada jawatan kepimpinan umat dan kenapa mereka tidak lagi layak mendapat keutamaan itu.

Bahagian Ketiga Surah Al-Baqarah

Bahagian ini bermula dari ayat ke-141 hingga ayat ke-283. Dan ia dibahagikan kepada dua belas paragraf.

Paragraf 12 Ayat 275-283 Hukum-hukum muamalat			Ayat 141 sehingga 283 Jumlah Paragraf : 12					Paragraf 2 Ayat 153-157 Tentang solat, sabar, dan jihad																					
Ayat 283	Ayat 282	Ayat 275-281	Hukum-hukum syariat terakhir					Ayat 153-158	Ayat 157-158 Tentang haji dan umrah																				
Gadaian	Hutang	Riba						Didalam ayat-ayat ini terdapat hukum-hukum solat, sabar, jihad, haji dan umrah:																					
Paragraf 11 Ayat 243-274 Berkenaan hukum-hukum jihad dan infaq			Ayat 152 Ayat 151 Ayat 150 Ayat 144-150 Ayat 143 Janji bersyarat Tujuan kerasulan Jangan takut kepada Ahli Kitab Penukaran arah kiblat Tugas umat yang terpilih ialah menjadi saksi kepada kebenaran					Ayat 159-162 Hukuman kerana menyembunyikan akidah tauhid	Ayat 159-162 Hukuman kerana menyembunyikan akidah tauhid																				
Ayat 254	Ayat 243	Infaq	Ayat 255-259	Ayat 244-245 Dua macam Jihad	Ayat 246-250 Dalil-dalil Akhirat	Ayat 261-274 Infaq	Ayat 226 (ابد) Iila'a	Ayat 227-232 Talaq	Ayat 233 Penyusuan	Ayat 234-235 'Iddah janda	Ayat 236-237 Mas kahwin	Ayat 238 Sembahyang, ketakutan dan keamanan	Ayat 239-242 Mas kahwin	Paragraf 10 Hukum-hukum kemasyarakatan	Ayat 217-218 Kemurtadan dan keimanan	Ayat 219 Arak dan judi	Ayat 220 Anak-anak yatim	Ayat 221 Perkahwinan	Ayat 222-223 Haidh	Ayat 224-225 Hukum sumpah	Paragraf 3 Ayat 159-167 Akidah Tauhid	Ayat 163 Tauhid Uluhiyah	Ayat 164 Tauhid Rububiyyah	Ayat 165-167 Tauhid dan Syirik	Ayat 168-172 Tentang rezeki yang halal	Ayat 173 Tentang rezeki yang haram	Ayat 174-176 Perbuatan menyembunyikan hukum-hukum	Paragraf 4 Ayat 168-176 Hukum-hukum berkenaan dengan rezeki yang halal dan haram	Paragraf 5 Ayat 177 Ruh Hukum-hukum
Paragraf 9 Ayat 215-218 Berkenaan hukum-hukum infaq dan jihad			Paragraf 8 Ayat 208-213 ادخلوا في السلم كافة "Terimalah islam semua sekali"					Paragraf 6 Ayat 178-189 Tentang Hukum-hukum																					
Ayat 216-218	Ayat 215	Tentang Jihad	Ayat 213	Ayat 208-212	Perangai Bani Israel dan penderhaakaan mereka	Tuntutan menerima islam yang lengkap	Ayat 189 Kalendar Qamari	Ayat 188 Rasuah	Ayat 183-187 Puasa	Ayat 180-182 Wasiat	Ayat 178-179 Qisas	Ayat 204-207 Taghut	Ayat 196-203 Haji dan Umrah	Ayat 195 Infaq	Ayat 190-194 Tentang perperangan dan jihad														
Paragraf 7 Ayat 190-207 Hukum-hukum jihad, infaq dan haji																													

Struktur Makro Bahagian Ketiga Surah Al-Baqarah

Bahagian ketiga ini mengandungi 12 paragraf. Melaluinya diberikan hukum-hukum syari`at yang terakhir kepada umat yang baru terpilih.

Antara ciri-ciri bahagian ketiga Surah Al-Baqarah ialah di celah-celah hukum-hakam yang diberikan di dalamnya terdapat arahan berinfaq dan berjihad. Ia mengisyaratkan kepada keperluan adanya negara Islam untuk menyempurnakan pelaksanaan hukum-hukum Islam. Untuk itu umat Islam hendaklah berjihad dengan harta bendanya menerusi infaq dan dengan jiwa raganya menerusi perang (jihad).

(1) Paragraf pertama bermula dari ayat 142 hingga 153. Di dalamnya tersebut perlantikan umat terpilih (أمة وسط) memegang jawatan sebagai saksi dan contoh kepada manusia (شهادة على الناس). Penyingkiran Bani Israil daripada jawatan kepemimpinan. Arahan bershalat ke arah Ka`bah. (Lihat ayat 143-144).

Penukaran arah qiblat berlaku pada tahun ke-2 Hijrah. Sebelum itu umat Islam bershalat dengan mengadap ke arah Baitul Maqdis selama 16 bulan.

Terdapat dua isyarat di sebalik penukaran arah qiblat:

(a) Ia mengisyaratkan kepada peralihan jawatan kepemimpinan daripada Bani Israil kepada Bani Ismail.

(b) Ia mengisyaratkan kepada perlunya Ka`bah yang menjadi qiblat umat Islam itu dibersihkan daripada berhala-berhala. Bagaimana pun Ka`bah baru dapat dibersihkan daripada berhala-berhala enam tahun kemudian, pada bulan Ramadhan tahun ke-8 Hijrah setelah umat Islam berjaya menkluki Mekah.

Terdapat arahan daripada Allah supaya umat Islam tidak takut kepada orang-orang Yahudi berhubung dengan penukaran arah qiblat itu. *فلا تخوهم واحشونى*. (Lihat ayat 150).

Umat terakhir diberi janji bersyarat oleh Allah. Jika mereka ingat kepada Allah, maka Allah akan ingat juga kepada mereka. *فاذكرونى أذكريكم* (Lihat ayat 152).

Ketika diberi arahan kepada mereka supaya berjihad, bersabar dan bershalat,

diberikan juga kepada mereka berita gembira bahawa petolongan Allah ada bersama orang-orang yang bersabar dan berjihad. (Lihat ayat 153).

Perkataan صابرين di sini digunakan untuk pejuang-pejuang yang tetap pendirian dan tidak berganjak di medan perang. Di dalam paragraf ini juga sudah ada pendahuluan bagi perintah berjihad. (Lihat ayat 153-157).

(2) Paragraf kedua (bermula dari ayat 153 hingga 158). Di dalamnya tersebut hukum-hukum haji dan 'umrah. Dari beberapa sudut sememangnya ada keserupaan di antara jihad dan haji.

(3) Paragraf ketiga (bermula dari ayat 159 hingga 167). Di dalamnya terdapat penekanan terhadap aqidah tauhid. Tanpanya segala amalan tidak dikira sah. Dalil-dalil tauhid rububiyyah dan pembatalan kepercayaan syirik juga terdapat di dalamnya.

(4) Paragraf keempat (bermula dari ayat 168 hingga 176). Di dalamnya dinyatakan hukum halal dan haram. Semua benda-benda yang baik di muka bumi dihalalkan. Dalam masalah halal dan haram tidak boleh dipakai prinsip (ما أَفِينَا عَلَيْهِ آبَاعُنَا), sebaliknya hendaklah dipakai prinsip (ما أَنْزَلَ اللَّهُ). Empat perkara dihukum haram: (i) bangkai. (ii) darah. (iii) daging babi. (iv) dan binatang yang disembelih tidak dengan nama Allah. Bagaimanapun dalam keadaan dharurat diperbolehkan memakan semua yang tersebut itu. Balasan menyembunyikan (ما أَنْزَلَ اللَّهُ) adalah api neraka.

(5) Paragraf kelima terdiri daripada ayat ke-177. Di dalamnya terdapat roh bagi sekalian hukum. Ayat ini dipanggil آية البر (ayat kebaikan dan kebajikan). Orang yang benar-benar bertaqwa ialah orang yang tidak hanya mementingkan soal menghadap ke arah timur atau barat, sebaliknya ia adalah orang yang beriman kepada Allah, hari kemudian, para malaikat, kitab dan para nabi, ia juga menunaikan hak-hak Allah dan juga hak-hak manusia. Selain itu ia bershalaat, memberi zakat, menyempurnakan janji dan tetap pendirian di medan perjuangan.

(6) Paragraf keenam (bermula dari ayat 178 hingga 189). Di dalamnya terdapat hukum-hukum qishash, wasiat, puasa, rasuah dan lain-lain.

(a) Pada asalnya hukuman qishash diwajibkan. Tetapi jika pewaris-pewaris orang yang terbunuh mema'afkan, maka tiada lagi kewajibannya. Dalam keadaan itu

pembunuhan hanya dikenakan bayaran fidyah (tebusan) sahaja. Pada melaksanakan hukum qishash dikatakan ada kehidupan. *. ولکم فی القصاص حیة .* (Lihat ayat 178-179).

(b) Puasa di bulan Ramadhan difardhukan. Kepada orang-orang yang bermusafir atau sakit dibenarkan tidak berpuasa, tetapi ia perlu mengqadh'nya pada hari-hari lain. (Lihat ayat 183-184).

(c) Dilarang memakan harta orang lain dengan cara yang tidak benar iaitu dengan memberi rasuah kepada pihak pemerintah. (Lihat ayat 188).

(7) Paragraf ketujuh, ia bermula dari ayat 190 hingga 207. Di dalamnya terdapat hukum jihad, infaq dan haji. Di sini sekali lagi cerita tentang jihad disebutkan. Bulan-bulan haji hendaklah ditentukan berdasarkan bulan.

Kemudian diperintahkan berjihad dan berperang. Tujuan berperang ialah untuk menghapuskan fitnah. *. وقاتلوهـم حتى لا تكون فتنـة .* (Lihat ayat 193). Diperintahkan agar ada sifat ihsan apabila berbelanja. Tidak berbelanja di jalan Allah bererti membinasakan masyarakat. Dan berbelanja di jalan Allah pula akan menyebabkan seseorang dikasihi Allah. (Lihat ayat 195).

Di dalamnya juga ada hukum haji. Orang yang hendak mengerjakan haji diperintahkan supaya berbekal. (Lihat ayat 196-203).

Selepas itu disebut pula tentang taghut. Taghut adalah kuasa jahat yang mestи diperangi. Cakap-cakapnya nampak baik, tetapi ia sebenarnya adalah perosak di muka bumi, ia juga pemusnah tanam-tanaman dan binatang ternakan. Taghut adalah ahli neraka. Orang yang menentang dan memeranginya adalah orang yang mencari keredhaan Allah. (Lihat ayat 204-207).

(8) Paragraf kelapan (bermula dari ayat 208 hingga 213). Di dalamnya Allah memerintahkan supaya masuk ke dalam Islam secara menyeluruh. Dan jangan mengikut langkah-langkah syaitan. (Lihat ayat 208). Umat Islam dikehendaki mengelak diri daripada sifat melampau Bani Israil. (Lihat ayat 213).

(9) Paragraf kesembilan (bermula dari ayat 214 hingga 218). Di dalamnya dinyatakan hukum-hakam infaq dan jihad. Di sini cerita tentang jihad diulangi buat kali ketiga.

Tanpa berjihad dan mengalami pelbagai ujian, seseorang jangan berfikir dapat masuk syurga dengan mudah.

Galakan berinfaq. Dinyatakan pada perkara-perkara yang tidak disukai juga terdapat kebaikan.

Orang yang berhijrah dan berjihad adalah orang yang mengharapkan rahmat Allah. (Lihat ayat 218).

(10) Paragraf kesepuluh (bermula dari ayat 219 hingga 242). Di dalamnya dinyatakan hukum arak, anak-anak yatim, perkahwinan, haidh, sumpah, iilaa', thalaq, penyusuan, 'iddah, mas kahwin dan lain-lain hukum berkaitan dengan kemasyarakatan.

(a) Arak dan judi, faedahnya sedikit, mudharatnya lebih banyak. (Lihat ayat 219). Ini adalah hukum arak di peringkat permulaan. Selepas itu datang pula ayat ke-143 di dalam Surah an-Nisaa' tentangnya. Dan akhir sekali turun ayat ke-90 di dalam Surah al-Maa'idah yang mengharamkan arak secara putus. Demikianlah peringkat-peringkat pengharaman arak yang tersebut di dalam al-Qur'an.

(b) Dibenarkan berkongsi dalam pelaburan harta anak-anak yatim. (Lihat ayat 220).

(c) Diharamkan berkahwin dengan perempuan-perempuan kafir musyrik. (Lihat ayat 221).

(d) Dilarang bersetubuh dengan isteri ketika berhaidh. (Lihat ayat 222).

(e) Berhubung dengan orang-orang yang melakukan iilaa' terhadap isteri-isteri mereka, iaitu orang-orang yang bersumpah untuk tidak menyetubuhinya isterinya, diberikan kepadanya tempoh selama 4 bulan. Dalam masa itu ia masih boleh meruju' kembali kepada isterinya. Selepas itu tidak boleh lagi ia menahan isterinya. Dia hendaklah menceraikannya. (Lihat ayat 226).

(f) 'Iddah perempuan yang dicerai adalah tiga quru'. (Lihat ayat 228).

(g) Perempuan mengandung dilarang menyembunyikan kandungannya. (Lihat ayat 228).

(h) Hak-hak perempuan sama seperti hak-hak lelaki, cuma orang lelaki mempunyai

satu darjah lebih daripada orang perempuan. (Lihat ayat 228).

- (i) Thalaq yang boleh diruju' ada dua kali sahaja. (Lihat ayat 229).
 - (j) Selepas thalaq ketiga tidak ada peluang meruju' lagi. (Lihat ayat 230).
 - (k) Si isteri boleh menebus thalaq terhadap suaminya. (Lihat ayat 229).
 - (l) Selepas berlaku thalaq ketiga, si isteri tidak boleh berkahwin dengan suami yang telah menceraikannya kecuali setelah ia berkahwin dengan lelaki lain, kemudian ia bercerai dengan suami kedua itu atau suami keduanya meninggal dunia. (Lihat ayat 230).
 - (m) Lelaki diperintahkan supaya berkelakuan baik terhadap isterinya. (Lihat ayat 231-232).
 - (n) Tempoh penyusuan paling lama disebut dua tahun.
 - (o) Bapa bertanggungjawab terhadap perbelanjaan anak-anaknya. (Lihat ayat 233).
 - (p) 'Iddah perempuan kematian suami adalah empat bulan sepuluh hari. (Lihat ayat 234). Dalam masa 'iddah perempuan dilarang berkahwin dan tidak boleh dipinang. (Lihat ayat 235).
 - (q) Keharusan bercerai sebelum bersetubuh. Berhubung dengan mas kahwin, jika bercerai sebelum bersetubuh, maka mas kahwin yang perlu dibayar hanyalah separuh daripada yang disebutkan di dalam 'aqad. Tetapi boleh juga masing-masing pihak bermurah hati. (Lihat ayat 236-237).
 - (r) Kepada isteri yang dicerikan hendaklah diberikan kas kahwin dan sesuatu pemberian yang lain sebagai cendera mata. (Lihat ayat 241-242).
- (11) Paragraf kesebelas (bermula dari ayat 243 hingga 274). Di dalamnya terdapat hukum jihad dan infaq. Ini adalah kali keempat persoalan jihad dan infaq disentuh.

Perhatikanlah baik-baik struktur makro paragraf kesebelas ini. Ia dapat disimpulkan sebagai berikut:

Ayat 243: Berkaitan dengan jihad Bani Israil.

Ayat 244: Umat Islam diperintahkan berjihad.

Ayat 245: Umat Islam digesa berbelanja di jalan Allah sebagai قرضاً حسناً (hutang yang membawa pulangan yang sangat menguntungkan) dari pihaknya kepada Allah.

Ayat 246-250: Di dalamnya disebutkan kisah perjuangan dan jihad Bani Israil di bawah pimpinan Thalut dan bagaimana beliau dapat mengalahkan Jalut.

Ayat 251-253: Di dalamnya diterangkan tentang tujuan dan matlamat jihad. Menerusi jihad Allah menghapuskan golongan yang zalim. Tanpa jihad bumi ini akan penuh dengan kerosakan. Menerusi jihad Allah melimpahkan kurniaNya ke seluruh dunia. . ولكن الله ذو فضل على العلمين (Lihat ayat 251).

Ayat 254: Di dalamnya Allah memerintahkan orang-orang Islam supaya berbelanja di jalan Allah. Enam ayat selepasnya merupakan ayat selingan (جملة مفترضة), iaitu ayat 255 hingga 260. Selepas itu bermula semula cerita tentang berbelanja di jalan Allah daripada ayat 261. Apa kelebihan dan apa perbandingannya. Ia berterusan hingga ke ayat 274.

Ayat selingan atau جملة مفترضة yang disebutkan itu bermula dari ayat 255. Dan ayat 255 itu dipanggil ayat al-Kursi. Di dalamnya Allah memperkenalkan ZatNya menerusi sifat-sifatNya

Ayat 256: Di dalamnya diterangkan perbezaan di antara رشد dan غى. Dinyatakan juga dua macam jihad. Jihad kerana Allah dan jihad kerana Thaghut. Pergantungan yang kukuh ialah keimanan kepada Allah.

Ayat 257: Allah dengan sifat-sifat yang tersebut di dalam Ayat al-Kursi itu dikatakan sebagai wali (pelindung) orang-orang mu'min dan Thaghut pula dikatakan wali (pelindung) orang-orang kafir.

Ayat 258: Di dalamnya dikemukakan Nabi Ibrahim sebagai contoh رشد dan Namrud yang merupakan Thaghut di zamannya pula dikemukakan sebagai contoh غى. Namrud menda'wa berkuasa menghidup dan mematikan, dia juga tidak percaya kepada hari kemudian. Namrud tercengang apabila mendengar dalil 'aqli yang diberikan oleh

Nabi Ibrahim untuk membuktikan adanya hari kemudian.

Ayat 259: Di dalamnya dikemukakan dalil kedua untuk membuktikan kewujudan hari akhirat. Kepercayaan penuh tentang wujudnya hari akhirat merupakan prasyarat kepada seseorang yang berjuang menentang Thaghut. Allah telah menghidup semula seorang yang telah mati selama seratus tahun.

Ayat 260: Di dalamnya dikemukakan dalil ketiga bagi adanya hari akhirat dan hari kebangkitan. Nabi Ibrahim diperintah mengambil empat ekor burung yang berlainan jenis dan mencencangnya, kemudian setelah digaul dan dicampur aduk kesemua bahagian burung-burung itu, diletakkanlah di atas tiap-tiap satu bukit (daripada empat buah bukit) satu bahagian dari burung-burung yang telah dicencang itu. Kemudian Allah memerintah Ibrahim supaya memanggilnya. Burung-burung itu dalam keadaan sempurna kejadiannya terus terbang pergi kepada Ibrahim dengan segera.

Ayat 261 hingga 274: Di dalamnya disebut kembali tentang infaq di jalan Allah dan adab-adabnya. Infaq hendaklah dilakukan dengan ikhlas kerana Allah. Setelah diberi jangan diungkit-ungkit dan jangan pula menyakiti hati orang yang diberi. Jangan dipilih sesuatu yang buruk dan tidak elok untuk diberikan. Memberikan sesuatu secara sulit lebih baik. Jangan ada sifat menunjuk-nunjuk. Infaq adalah suatu amalan yang meneguhkan jiwa manusia. Selepas selesai menyebutkan tentang infaq, Allah menyebutkan pula tentang pengharaman riba. Kerana berinfaq dan mengamalkan riba ada dua sifat yang berlawanan. Infaq melambangkan kemurahan, memakan riba pula melambangkan kebakilan.

(12) Paragraf kedua belas (bermula dari ayat 275 hingga 283). Di dalamnya dinyatakan hukum riba, hutang, gadaian dan lain-lain.

Di bawah paragraf kedua belas bagi bahagian ketiga surah al-Baqarah ini terkandung beberapa hukum muamalat seperti berikut:

- (a) Di dalam ayat 275 hingga 281 terdapat hukum haram riba. Allah mengharamkan riba dan menghalalkan jual beli. Perang terhadap pemakan riba diisytiharkan. Pemakan riba disebut sebagai ahli neraka.
- (b) Di dalam ayat 282 terdapat hukum hutang piutang. Hutang perlu dicatat atau

disaksikan. Dua orang saksi laki-laki atau seorang laki-laki bersama dua orang perempuan diperlukan sebagai saksi. Tujuan hukum ini diadakan ialah untuk menjaga hak kedua belah pihak yang berurusan dan untuk menegakkan keadilan.

(c) Di dalam ayat 283 terdapat hukum gadaian. Perbuatan mencagar dibenarkan, tetapi dalam setiap muamalah (urusan harta benda) perlulah sentiasa ada sifat taqwa kepada Allah di samping tidak menyembunyikan persaksian jika perlu.


Mesej Utama Bahagian Ketiga Surah Al-Baqarah

Umat Islam dalam peranannya sebagai saksi dan contoh hidup buat sekalian manusia hendaklah sedar tentang jawatan kepemimpinan yang disandangnya. Dia hendaklah betul-betul menjadi “Ummatan Wasatha” dengan cara menerima Islam secara keseluruhannya dan mengamalkan ajaran syari’at terakhir yang dibawa oleh Nabi Muhammad s.a.w. dengan penuh keikhlasan.

Struktur Makro Bahagian Keempat Dan Terakhir Surah Al-Baqarah

Ia bermula dari ayat 284 hingga 286. Dan ia terdiri daripada tiga paragraf. Lihat cartanya di bawah ini:

bile kemous- deyer ovug - kare ade fagach
kite adaleh kew äsi , ایلارىڭىز دەلىم



Bahagian keempat dan terakhir sebagai penutup Surah al-Baqarah hanya terdiri daripada tiga ayat sahaja. Bahagian keempat ini mempunyai perkaitan yang rapat sekali dengan tiga bahagian sebelumnya, terutamanya dengan bahagian ketiga yang berkaitan dengan hukum-hakam syari'at terakhir. Bahagian keempat ini merupakan penutup bagi surah al-Baqarah dan ia juga merupakan inti sari dan inti patinya.

- (1) Di dalam ayat 284 dinyatakan bahawa Allah sebagai pemilik langit dan bumi mempunyai hak untuk menukar kepimpinan manusia di bumi. Dia Maha berkuasa atas segala sesuatu. Allah, pemilik langit dan bumi akan menghitung dan mengira segala amalan dan niat manusia yang hidup di zaman syari'at terakhir berdasarkan

hukum-hakamnya.

(2) Di dalam ayat 285 dinyatakan bahawa orang yang mula-mula sekali beriman dan mengamalkan hukum-hakam syari'at terakhir itu adalah Rasulullah s.a.w. dan para sahabatnya. Umat Islam tidak seperti orang-orang Yahudi yang membeza-bezakan para rasul. Mereka percaya kepada rasul-rasul dari kedua-dua keluarga Ismail dan Ishaq. Cogan kata umat Islam adalah سمعنا وأطعنا (kami dengar dan patuh kepada pemimpin). Dan begitulah juga sikap mereka. Mereka tidak berkata seperti orang-orang Yahudi Bani Israil: سمعنا وعصينا (kami dengar tetapi kami mahu patuh), seperti telah tersebut pada ayat ke-93 yang lalu.

(3) Menerusi ayat 286, iaitu ayat terakhir Surah al-Baqarah, umat Islam diarahkan supaya sentiasa ingat akan beberapa prinsip yang terkandung di dalam ayat ini.

(a) Umat Islam tidak dibebankan lebih daripada kemampuannya dalam mengamalkan hukum-hukum agama syari'at terakhir. لا يكلف الله نفساً إلا وسعها .

(b) Masing-masing daripada amalan baik dan buruk ada balasannya yang tersendiri. لها ما كسبت وعليها ما اكتسبت .

(c) Mereka tidak dikira bersalah jika melakukan sesuatu yang dilarang dengan terlupa atau tersalah. ربنا لا تواخذنا إن نسينا أو أخطأنا .

(d) Sentiasa berdoa supaya terhindar daripada ujian yang tidak tertanggung. ربنا ولا تحملنا ما لا طاقة لنا به .

(e) Sentiasa ingat kepada Allah sebagai penolong dan pelindung (مولانا) dalam usaha-usaha menentang dan memerangi orang-orang kafir. Hubungan ruhani yang kukuh dengan Allah mestilah dijalin, dan ia tidak akan dapat dicapai tanpa memohon keampunan, maghfirah dan rahmatNya. واعف عنا واغفرلنا وارحمنا أنت مولانا .

(f) Musuh pesaing umat Islam hingga ke hari kiamat adalah orang-orang kafir dari kalangan Bani Israil. Untuk mencapai kemenangan dalam pertarungan dengan mereka pertolongan Allah diperlukan. Oleh itu, selain mempersiapkan diri dengan senjata dan kelengkapan perang, umat Islam hendaklah sentiasa berdoa kepada Allah begini: فانصرنا على القوم الكافرين .

Mesej Utama Bahagian Terakhir Surah Al-Baqarah

Umat Islam hendaklah mempunyai hubungan yang teguh dengan Allah s.w.t. Selain itu mereka hendaklah mengamalkan hukum-hukum syari'at terakhir dengan penuh keikhlasan setakat termampu, supaya dengan itu mereka dapat mengalahkan orang-orang kafir, khususnya Ahlil Kitab.